

Poetry Series

**Xian Sutrof**  
**- poems -**

**Publication Date:**

2014

**Publisher:**

Poemhunter.com - The World's Poetry Archive

# Xian Sutrof()

Have focus on attaining your goal but don't forget to enjoy and see other beautiful things along the way.

Trying something new is really great and I've proved it!

This is Xian Sutrof, a proud Filipino.

# Ang Aking Kahapon, Ngayon, At Bukas

Makakalaya pa ba ako sa buhay na kinagisnan ko?  
Buhay na tila nakakulong sa mundong hawak ko  
Isang mundong malabong maintindihan ng karamihan  
Maiintindihan lang ng taong may malawak na isipan.

Sa panibagong yugto ng buhay ko ngayon  
Makakaya ko bang baguhin ang aking kahapon?  
Ito'y mahirap gawin, pipilitin ko man  
Inspirasyon ang kailangan para sa tatahaking daan.

Alam kong malayo pa ang umaga ng hinahangad kong bukas  
Marami pang dagok na susubok sa tibay ko't lakas  
Subalit Panginoon pa rin ang may hawak para sa magiging wakas  
Ang tanging magagawa ko'y manalig ng walang kupas.

Anuman ang makamit ko bukas ng aking kahapon  
Yon ay karugtong ng aking ngayon  
Kaya sa bawat panahong lilipas  
Ako'y mananatili sa matuwid na landas.

06/26/'10

msu

Xian Sutrof

# Dahil Sa Pag-Ibig

Sa sitwasyong aking kinakaharap,  
Walang dudang ito ay kay hirap;  
Halos walang mukhang ihaharap,  
Lumubog bigla ang aking mga pangarap.

Ngunit sabi nga nila'y lilipas din ito,  
Makakalimuta't matatakpan ng mga bagong isyu;  
Subalit ang sakit na dulot nito'y di ko alam kung magbabago,  
Ito'y mananatili dito sa aking puso.

Ang tangi kong hiling ngayon ay mapatawad n'yo ako,  
Pagbibigyan ng pangalawang pagkakataon dito sa mundo;  
Ako'y nabulag lang sa pag-ibig na sa aki'y ipinangako,  
Sana ito'y mangyari ngayong magpapasko.

Ang lahat ng nangyari sa buhay ko ngayon,  
Ito'y magsisilbing mga aral ng aking kahapon;  
At alam kong isang araw ako'y muling makakabangon,  
Sa tulong ng pamilya't mapag-unawa nating Panginoon.

Dec.12,2011

Xian Sutrof

# Ikaw Ang Aking Pangarap

Ang puso ko'y binihag mo, mula't simula pa,  
Ng ika'y unang makita, kakaiba ang pintig ng pusong may kaba;  
Nangangarap na muling magkita at sana ay makilala,  
Labis na ligaya ang hatid makasama ka aking sinisinta.

Ngunit sadyang kay hirap matupad ang sigaw ng damdamin,  
Ika'y tila bituin sa langit na kay taas at kay hirap abutin;  
Isang pangarap na lang ba ang ikaw ay ibigin?  
Ito'y katotohanan lamang na minsan ayokong isipin.

Kung sasadyain lang ng tadhana na ika'y makapiling,  
Tinitiyak ko, ikaw ay wala ng ihihiling;  
Ipagtatanggol kita anumang problemang dumating,  
Sana nga'y matupad ang tangi kong hiling.

Kahit pa man sa huling araw, ng puso kong pumipintig,  
Walang hihigit para sa akin ang aking iniibig;  
Ito ay makikita maging sa aking mga titig,  
Nawa'y may pagkakataon pa ang aking pag-ibig.

Kung bigla man lang matunaw ang lahat ng pinangarap,  
Mamulat sa pangyayaring ito'y sadyang masaklap;  
Subalit ika'y mananatili sa aking puso at ako'y hindi maghahanap,  
Kailanman, ikaw ang aking pangarap.

03/02/'08

Xian Sutrof

# Inspirasyon

Ang buhay kong ito'y naging makabuluhan,  
Sa piling ng pamilya't mga kaibigan;  
Kasama ko sa lungkot at kasiyahan,  
Tunay na inspirasyon kailanman.

Ngunit ngayong ako'y nag-iisa,  
Dito sa mundong malayo sa kanila;  
Tanging magagawa ko'y kumapit sa ala-ala,  
Na tila nagbibigay pag-asa.

Sa tulong ng payo't aral na itinuro nila,  
Alam kong makakaya ko ang anumang problema;  
At ang laban na ito'y iaalay ko sa kanila,  
Di ako susuko, yan ang pangako tuwina.

Dahil alam kong isang araw paggising ko sa umaga,  
Pamilya't kaibigan ay muling makakasama;  
Lubos na natutuwa sa tagumpay kong dala,  
Tagumpay na nakamit ko dahil sa kanila.

Xian Sutrof

# Kambal Ng Aking Puso

Ang buhay kong ito'y iaalay sa'yo  
Lahat ibibigay at gagawin, yan ay pangako  
Tunay ang hangad ko at nawa'y ibigin mo  
Ako'y maghihintay sa iyong matamis na oo.

Sana'y maramdaman mo ang init ng pag-ibig ko  
Ito'y mananatili at di magbabago  
Anumang haba ng panahon, ito pa rin ay buong-buo  
Na tila isang matigas na bato.

Langit man ay aabutin kung hihilingin mo  
Ito'y patunay lang sa wagas na hangarin ko  
At kahit ano pa man para lang di ka malayo  
Maniwala ka na sana at ibigin na ako.

Talagang mahirap pigilin ang pintig ng puso  
Tulad sa agos ng ilog na di mo mahinto  
Ngunit alam kong di maling pag-ibig ang nararamdaman ko  
Walang dudang ika'y kambal ng aking puso.

03/16/'09

Xian Sutrof

# Paglalakbay

Ang buhay sa mundo'y isang paglalakbay,  
Na hindi mo alam kung ano ang naghihintay;  
Kaya marapat na tayo'y maging matibay,  
At manalig sa Diyos na Siyang gumagabay.

Sa landas na tinatahak natin ngayon,  
Huwag nating kalimutan ang aral ng kahapon;  
Ito'y magagamit sa darating nating bukas,  
Isang bukas na walang katumbas.

Ngayong tayo'y patuloy pang nakikipagsapalaran,  
Dito sa mundong walang katiyakan;  
Laging iisipin na ang oras ay di napipigilan,  
Kaya buhay nati'y gawing makabuluhan.

Nawa'y maging makulay ang pagtatapos nitong paglalakbay,  
Paglalakbay na nakasalalay sa ating mga kamay;  
Kaya dapat tayo'y maging todo bigay,  
Upang makamit ang inaasam na tagumpay.

Xian Sutrof



# Paglisan

Noong una kitang makita,  
Ika'y nakikipagsapalaran at puno ng tuwa;  
Maraming humanga sa galing na ipinakita,  
At sa pangarap mo, ika'y naniniwala.

Walang dudang ika'y may mararating,  
Mas magiging kilala at magniningning;  
Lumipas ang panahon at ito'y dumating,  
Natupad ang mga bagay na noon ay isa lang hiling.

Ngunit ika'y dumaan sa mga pagsubok na di maiiwasan,  
Tanging magagawa mo'y bumangon at patuloy na lumaban;  
Ang mga pagbabago'y pinipilit mong malampasan,  
Sa tulong ng pangalawang pagkakataon na sa iyo'y inilaan.

At ngayo'y aking nabalitaan,  
Ang iyong biglaang paglisan;  
Di ko akalaing iyong kahihinatnan,  
Kay saklap na pangyayari para sa iyong mga iniwan.

Sa kabila ng pangyayaring ito,  
Ika'y di malilimuta't mananatili dito sa aming puso;  
Natatanging kaibigan, kapamilya at kapuso,  
Na patuloy na magiging inspirasyon dito sa mundo.

Dec.31,2011

Xian Sutrof

# Sadyang Ganito Ang Buhay

Noong ako'y bata pa, laruan lang ang gusto,  
Walang problema at may sariling mundo;  
Ngunit panaho'y lumipas at ito'y nagbago,  
Naging kumplikado ang buhay ko sa mundo.

Ngayong ako'y nasa tamang gulang na,  
Mga nais kong makamtan ay natitiyak ko na;  
Di ako mabubuhay ng nag-iisa,  
At di makaranas ng problema't saya.

Pagdating ng bukas na ako'y matanda na,  
Tanging maipagmamalaki ko'y ang hawak kong ala-ala;  
Salamat sa lahat ng aking nakasama,  
Dahil kwento ng buhay ko'y magtatapos na.

Sadyang ganito ang buhay sa mundong ibabaw,  
Ika'y sisikat at lulubog na parang isang araw;  
Kaya sa bawat panahong lilipas,  
Gawing makabuluhan ang tinatahak na landas.

Xian Sutrof

# Unconquerable

Even though a lot of hindrances come in your way,  
Doing your best is one of your key;  
Without doubt, you are one in a million,  
And would always be an inspiration;  
Riding in a life where nothing is impossible,  
Deep faith in God made possible for you to be successful;  
Always learned something from your own mistake,  
Remember that it's the real essence you should try to take;  
In spite of all achievements you had, you stay so humble,  
Something unique from you and could be a good example;  
Fighting to be unconquered from all your weaknesses,  
Absolutely a factor for winning from life's challenges;  
Just set your own standard that you can surely handle,  
As you live up with the expectation of other people;  
Reality of your dream lies in you.  
Dare to act and never give up,  
Of being unconquered on the top.

Xian Sutrof

# Unconquered

Awaking your unconquerable spirit,  
Leads to a successful life of no limit;  
Various hindrances and all other difficulties,  
Exert effort to handle all these by strengthening your weaknesses;  
Nothing is impossible in this wonderful world,  
Just believe in your dream, go for gold;  
And most of all know your purpose,  
You would surely become someone like what you've just suppose;  
Making the real essence of whatever you seek,  
Always remember to learned something from your own mistake;  
Never try to give up such opportunities,  
Do your best, don't waste chances;  
And this is something you really need to keep,  
Reach for the zenith and don't forget to enjoy every step of attaining on it.

Xian Sutrof